



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sacros. Concilii Tridentini Canones Et Decreta**

**Gallemart, Jean**

**Coloniæ Agrippinæ, 1621**

Capvt IV. De Contritione.

**urn:nbn:de:hbz:466:1-39157**

REMISSIONES.

**S**acramenti Pœnitentiæ formam. *¶* Vide Sayr. de Sacram. in genere lib. 1. c. 3. q. vnic. art. 5. vers. in Pœnitentiæ Sacramento. P. Ægid. de Sacram. tom. 2. disp. 4. dub. 8. à num. 49.

**¶** Sunt autem quasi materia huius Sacramenti ipsius pœnitentiæ actus. Vide Nau. in man. prælud. 10. n. 3. & in sum. de pœnit. dist. 5. nu. 18. Sayr. d. lib. 1. c. 3. q. vnic. art. 7. vers. Ad primum in med. P. Henric. in sum. lib. 4. cap. 9. cum seqq. P. Ægid. de Sacram. tom. 2. disp. 4. à num. 27. & præcipue, num. 32.

CAPUT IV.

De Contritione.

**C**ontritio, à quâ primum locum inter dictos pœnitentiæ actus habet, animi dolor *¶* ac detestatio est peccato commisso, cum proposito non peccandi de cætero. Fuit autem quouis tempore ad impetrandam veniam peccatorum hic Contritionis motus necessarius; & in homine post Baptismum lapsio ita demum præparat ad remissionem peccatorum, si cum fiducia diuinæ misericordiæ & voto præstandi reliqua coniunctus sit, quæ ad ritè suscipiendum hoc Sacramentum requiruntur. Declarat igitur sancta Synodus hanc Contritionem, non solum cessationem à peccato, & vitæ nouæ propositum & inchoationem, sed veteris etiam odium continere; iuxta illud: *¶* Projicite à vobis omnes iniquitates vestras, in quibus præuaticati estis; & facite vobis cor nouum & spiritum nouum. Et certè, qui illos Sanctorum clamores considerauerit, *¶* Tibi soli peccaui, & malum coram te feci: *¶* Laboraui in gemitu meo; lauabo per singulas noctes lectum meum: *¶* Recogitabo tibi omnes annos meos in amaritudine animæ; & alios huius generis: facillè intelliget, eos ex vehementi quodam antea vitæ odio & ingenti peccatorum detestatione manasse. Docet præterea, etiam Contritionem hanc aliquando charitate perfectam esse contingat, hominemq; Deo reconciliare, priusquam hoc Sacramentum actu suscipiatur; ipsam nihilominus reconciliationem ipsi Contritioni; sine Sacramenti voto, quod

*a supra Sessio 6. de iustis. c. 6. & 14.*

*bisfr. Can. 11. c. Ezech. 18.*

*d Psal. 50. c. Et unum. d. pan. dist. 1. s. 10. am. de pan. dist. 1. c. 1. sal. 6. f. Esa. 38.*

K in illa



In illa includitur, non esse adscribendam. y illam verò Contritionem imperfectam, quæ Attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccandi excludat, cum spe veniæ; declarat, non solum non facere hominem hypocritam & magis peccatorem, verum etiam donum Dei esse & Spiritus Sancti impulsum, non adhuc quidem inhabitantis, sed tantum mouentis, quo pœnitens adiutus viam sibi ad iustitiam parat. Et quamuis sine Sacramento Pœnitentiæ per se ad iustificationem perducere peccatorem nequeat; tamen ad Dei gratiam in Sacramento Pœnitentiæ impetrandam disponit. Hoc enim timore vtiliter & concussi Ninivitarum, ad Ionæ prædicationem, plenam terroribus, pœnitentiam egerunt, & misericordiam à Domino impetrarunt. Quamobrem quidem calumniantur Catholicos scriptores, qui tradiderint Sacramentum Pœnitentiæ absq; bono motu suscipientium gratiam conferre: quod numquam Ecclesia Dei docuit, nec sensit. sed & falsò docent; Contritionem esse exortam & coactam, non liberam & voluntariam.

a Ionæ 3.  
Matth. 12.  
Luc. 11.  
e. quamobrè,  
de pœn. dist. 10.

REMISSIONES.

Vide Pat. Henric. in sum. lib. 4. cap. 17. cum seqq. Balduin. Juniorum super opera controuers. Bellarm. p. 2. lib. 2. c. 3. Pat. Aegid. de Sacram. tom. 1. q. 68. n. 30. & tom. 2. disp. 1. dub. 2. n. 13. Petr. Ledes. in sum. p. 1. tract. de Pœnitentiâ, cap. 4. & 7. P. Luc. Pinell. de Sacram. Pœnitentiæ tract. de Contrit. §. *De detestatio.* Vide P. Paul. Comitoli. responsorum moral. lib. 4. q. 32. num. 2. vers. Qui verò. y *illam verò Contritionem imperfectam, &c.* Vide Pat. Henric. in sum. lib. 4. cap. 17. §. 4. & c. 26. §. 5.

CAPVT V.

De Confessione.

b Luc. 1. &  
17. Iac. 1.  
1. Ioh. 1.  
infra Can. 6.

EX institutione Sacramenti Pœnitentiæ iam explicita, vniuersa Ecclesia semper intellexit institutam etiam esse à Domino integram peccatorum Confessionem &